

Broj: 05-1399-1/21  
Sarajevo, 10.05.2021. godine

Na osnovu člana 23. stav (1) tačka r) Zakona o Agenciji za bankarstvo Federacije BiH („Službene novine Federacije BiH“, broj: 75/17), člana 16. stav 1) tačke n) i t) Statuta Agencije za bankarstvo Federacije BiH („Službene novine Federacije BiH“, broj: 3/18), čl. 69. stav (1) tačka b), stav (2) tačka d) i 70. st. (1) i (4) Zakona o javnim nabavkama („Službeni glasnik BiH“, broj: 39/14) direktor Agencije za bankarstvo Federacije BiH donosi

## **ODLUKU** **o poništenju postupka javne nabavke usluga**

### **Član 1.**

Poništava se postupak javne nabavke usluga iz oblasti odnosa s javnošću i kriznog komuniciranja za potrebe Agencije za bankarstvo Federacije BiH, proveden u skladu sa odredbama Pravilnika o dodjeli ugovora o uslugama iz Aneksa II. dio B Zakona o javnim nabavkama, iz razloga što nijedna od zaprimljenih ponuda nije ocijenjena prihvatljivom.

### **Član 2.**

Ponude ponuđača „Pristop BH“ d.o.o. Sarajevo, Konzorcijuma „Mint“ d.o.o. Banja Luka i „Prefix“ d.o.o. Sarajevo i „ZPR Agencija“ Sarajevo odbacuju se kao nepotpune, zbog neispunjavanja kvalifikacijskih uslova utvrđenih u Javnom pozivu za dostavljanje ponuda za nabavku usluga iz oblasti odnosa s javnošću i kriznog komuniciranja za potrebe Agencije.

### **Član 3.**

Ova odluka bit će objavljena na službenoj web stranici Agencije, istovremeno sa upućivanjem iste ponuđačima koji su sudjelovali u predmetnom postupku javne nabavke, u skladu s odredbama člana 70. stav (6) Zakona o javnim nabavkama.

### **Član 4.**

Za realizaciju ove odluke zadužuje se Odjel za opće i kadrovske poslove pri Sektoru zajedničkih funkcija.

### **Član 5.**

Ova odluka stupa na snagu danom donošenja.

## **O b r a z l o ž e n j e**

Odlukom o pokretanju javne nabavke usluga, broj: 05-1399/21 od 08.04.2021. godine, odobreno je provođenje postupka javne nabavke usluga iz oblasti odnosa s javnošću i kriznog komuniciranja za potrebe Agencije za bankarstvo Federacije BiH.

Javna nabavka sprovedena je u skladu sa Pravilnikom o postupku dodjele ugovora o uslugama iz Aneksa II. dio B Zakona o javnim nabavkama. U skladu s odredbom člana 7. stav (3) Pravilnika o postupku

dodjele ugovora o uslugama iz Aneksa II. dio B Zakona o javnim nabavkama, Ugovorni organ je pripremio i objavio (08.04.2021. godine) Poziv za dostavu ponuda na svojoj internetskoj stranici, te istovremeno isti uputio na tri adrese. Procijenjena vrijednost javne nabavke utvrđena je u iznosu od 140.000,00 KM – bez poreza na dodanu vrijednost (PDV).

Dana 23.04.2021. godine, do ostavljenog krajnjeg roka za prijem ponuda (10:00 sati), evidentirane su 3 (tri) pravovremeno pristigle ponude od strane ponuđača „Pristop BH“ d.o.o. Sarajevo, Konzorcijuma „Mint“ d.o.o. Banja Luka i „Prefix“ d.o.o. Sarajevo i „ZPR Agencija“ Sarajevo.

Nakon izvršenog otvaranja ponuda, pregleda i ocjene ispunjavanja zadanih kvalifikacijskih uslova, ugovorni organ evidentirao je određene nepravilnosti u dostavljenoj dokumentaciji ponuđača „Pristop BH“ d.o.o. Sarajevo, Konzorcijuma „Mint“ d.o.o. Banja Luka i „Prefix“ d.o.o. Sarajevo i „ZPR Agencija“ Sarajevo, te su iste ocijenjene kao neprihvatljive za ugovorni organ iz slijedećih razloga:

- Ponuđač „Pristop BH“ d.o.o. Sarajevo nije ispunio minimalne uslove za kvalifikaciju navedene u:
  - a) poglavlju III – Uslovi za kvalifikaciju ponuđača, tačka 1.4 – Tehnička i profesionalna sposobnost – član 50. Zakona o javnim nabavkama iz Poziva za dostavljanje ponuda, tako što nije dostavio potvrdu o uredno izvršenom ugovoru iz koje je vidljivo „da je ponuđač u zadnjih 12 (dvanaest) mjeseci ili od početka poslovanja ako je ponuđač registrovan, odnosno počeo sa radom prije manje od 12 (dvanaest) mjeseci, računajući od dana objave Poziva za dostavu ponuda na web stranici Agencije, uspješno izvršio najmanje jedan Ugovor koji je isti ili sličan sa predmetom nabavke, čija je vrijednost ista ili veća od procijenjene vrijednosti nabavke (140.000,00 KM bez PDV-a)“, kako je traženo zadanim uslovom Poziva;
  - b) poglavlju III – Uslovi za kvalifikaciju ponuđača, tačka 1.4 – Tehnička i profesionalna sposobnost – član 50. Zakona o javnim nabavkama iz Poziva za dostavljanje ponuda, tako što nije dostavio traženu dokumentaciju iz koje je vidljivo da ponuđač na raspolaganju ima stručno osoblje koje ispunjava obrazovne i profesionalne kvalifikacije, u skladu sa sljedećim:
    - 1) Vođa tima (team leader) sa najmanje pet (5) godina iskustva u struci i najmanje dvije (2) godine iskustva u bankarskom, odnosno finansijskom sektoru na poslovima marketinga i PR-a, te koji ima iskustvo u kriznom komuniciranju u bankarskom odnosno finansijskom sektoru kao i iskustvo u obučavanju osoblja za djelovanje u javnosti;
    - 2) dva (2) člana tima iz područja savjetovanja u odnosima s javnošću, sa najmanje pet (5) godina iskustva u struci, te iskustvom u području kriznog komuniciranja;
    - 3) dva (2) člana tima PR stručnjaka sa najmanje 5 godina iskustva u struci, koji imaju iskustvo na poslovima pružanja usluga treninga za javni nastup i obučavanja osoblja za djelovanje u javnosti.

**Napomena:** U svrhu ispunjenja uslova obrazovnih i profesionalnih kvalifikacija ponuđača, Ugovorni organ ne zahtjeva da su isti zaposleni kod ponuđača, već je dovoljno da ih ponuđač ima na raspolaganju po osnovu Ugovora o djelu, poslovno-tehničkoj saradnji i sl.

- Ponuđač Konzorcijum „Mint“ d.o.o. Banja Luka i „Prefix“ d.o.o. Sarajevo nije ispunio minimalne uslove za kvalifikaciju navedene u:
  - a) poglavlju III – Uslovi za kvalifikaciju ponuđača, tačka 1.3 – Ekonomska i finansijska sposobnost – član 47. Zakona o javnim nabavkama iz Poziva za dostavljanje ponuda, tako što je dostavio potvrdu izdatu od strane „Sberbank“ a.d. Banja Luka, broj: 2100-BL-374/21 od 13.04.2021. godine, u kojoj je navedeno da nosilac Konzorcijuma „Mint“ d.o.o. Banja Luka u banci „ima otvoren račun, koji je definisan kao glavni račun, koji u periodu od 12.04.2020. do 12.04.2021. godine nije bio blokiran, odnosno po računu klijenta nije bilo evidentiranih razloga za prinudnu naplatu“, što nije u skladu sa zadanim uslovom iz Poziva, kojim je traženo da je ponuđač dužan dostaviti „izvještaj o svima otvorenim računima pravnog lica koji izdaje Centralna Banka BiH. Navedeni izvještaj ne smije biti stariji od datuma objave Poziva za dostavu ponuda za predmetnu nabavku. Uz navedeni izvještaj ponuđač je dužan dostaviti Potvrdu izdatu od strane banke, u kojoj je otvoren „Glavni račun“, sa naznakom od strane banke

da navedeni račun ponuđača - „Glavni račun“ nije bio blokiran u zadnjih 12 (dvanaest) mjeseci računajući od datuma objave Poziva za dostavu ponuda na web stranici Agencije“ – 08.04.2021. godine.

- Ponuđač „ZPR Agencija“ Sarajevo nije ispunio minimalne uslove za kvalifikaciju navedene u:
  - a) poglavlju III – Uslovi za kvalifikaciju ponuđača, tačka 1.3 – Ekonomska i finansijska sposobnost – član 47. Zakona o javnim nabavkama iz Poziva za dostavljanje ponuda, tako što je dostavio potvrdu izdatu od strane „UniCredit Bank“ Sarajevo (Otoka), broj: SJ08-13-4-21-454 od 13.04.2021. godine, u kojoj je navedeno da „Agencija ZPR Sarajevo“ u banci „ima otvoren glavni račun, koji nije bio blokiran u prethodnih 12 mjeseci“, što nije u skladu sa zadanim uslovom iz Poziva, kojim je traženo da je ponuđač dužan dostaviti „izvještaj o svima otvorenim računima pravnog lica koji izdaje Centralna Banka BiH. Navedeni izvještaj ne smije biti stariji od datuma objave Poziva za dostavu ponuda za predmetnu nabavku. Uz navedeni izvještaj ponuđač je dužan dostaviti Potvrdu izdatu od strane banke, u kojoj je otvoren „Glavni račun“, sa naznakom od strane banke da navedeni račun ponuđača - „Glavni račun“ nije bio blokiran u zadnjih 12 (dvanaest) mjeseci računajući od datuma objave Poziva za dostavu ponuda na web stranici Agencije“ – 08.04.2021. godine.
  - b) poglavlju III – Uslovi za kvalifikaciju ponuđača, tačka 1.4 – Tehnička i profesionalna sposobnost – članovi 48. i 50. Zakona o javnim nabavkama iz Poziva za dostavljanje ponuda, tako što za člana tima zaduženog za savjetovanje u odnosima s javnošću, te za krizno komuniciranje nije dostavio „Potvrdu ili izjavu privrednog subjekta kod koga je vođa/član tima stekao zahtjevano iskustvo. U slučaju da se takva potvrda iz objektivnih razloga ne može dobiti od privrednog subjekta, vrijedi izjava ponuđača kojom dokazuje zahtjevano iskustvo, uz predočavanje dokaza o učinjenim pokušajima da se potvrda/izjava osigura od strane privrednog subjekta“, što nije usklađeno sa zadanim uslovom iz Poziva za dostavu ponuda.

#### POUKA O PRAVNOM LIJEKU:

Protiv ove odluke može se izjaviti žalba Ugovornom organu – Agenciji za bankarstvo Federacije BiH, najkasnije u roku od 10 (deset) dana od dana prijema ove odluke, saglasno odredbama čl. 97. i 101. Zakona o javnim nabavkama (“Službeni glasnik BiH”, broj: 39/14).

Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.



DIREKTOR

Jasmin Mahmuzić

Dostaviti:

- Ponuđačima u postupku;
- a.a.



Zmaja od Bosne 47b,  
71000 Sarajevo,  
Bosna i Hercegovina



T ++ 387 (33) 72 14 00  
F ++ 387 (33) 66 88 11



E agencija@fba.ba  
W www.fba.ba

